

鼓夙姁齋誣全集



敲風如齋

訕全集

史謙署



光緒庚寅年  
季夏月重刊

序

戊子夏葉君孟紀以其王父潤臣先生敦夙好齋詩先

後兩集囑讀

敬

於詩詞爲外家固不敢贅一辭然二十

年走京華頗聞詞人緒論謂道咸之間吾楚詩人以先

生爲稱首近讀吾友譚仿脩鈔近代名家詩十子先生

與焉顧吾鄉後進少有知者抑又讀王策友說文繫傳

校異序稱與先生約策友任文字異同先生任典故厥

後策友書成而先生之稿未聞策友書中亦往往引先

生說光緒初虎坊舊宅毀於火灰燼之餘充於廠肆

敦夙好齋詩全集

重刻序

一

亦時時得其所藏金石文字而橋西札記一冊爲潘伯

寅尙書刻於滂喜齋知先生留心小學又博覽掌故伯

寅序謂當世以詩人稱先生猶未盡其底蘊也

敬讀初

集其與名流往來尙少至續集則海內魁碩無不引爲

知交宜其學問文章皆有本原也今年秋王君少洽楚

卿昆仲先後來致孟紀意以是編將重付手民囑爲作

序敬自當竭力爲之吾楚風流歇絕來求者往往以鄙

意不愜之書謬爲推獎私心竊痛之如先生此作使

得附名簡末何厚幸耶光緒己丑十月宜都楊守敬

潤臣前輩敦夙好齋詩集曩在都門曾見初刻近晤孟  
紀世兄出示全稿並囑校正續集排印之字浣誦數過  
敬題二律以誌欽佩

諫草傳家學翛然夙好敦風流追老輩通德著清門畫  
省微官繫騷壇雅望尊劫餘殘稿在重刻賴文孫

榆社鄉情溯

原籍江甯被垣故事尋

祥於同治四年到闈

十年遲識面

一卷託知心屢過街南屋空思海上琴雅音如可企官  
閣媿題襟

眞州芸舫厲祥官

敦夙好齋詩全集

重刻題詞

二

敘

古之立言者皆不得已而有言者也言之美者一誠而已矣誠至則可以動物故曰修辭立其誠又曰不誠無物詩歌亦其一端也粵稽虞廷教胄括以詩言志歌永言聲依永律和聲爲詩樂合一之祖後世古樂失傳卽古詩之音節神理亦幾幾絕響何以明其然也四始六義首冠以風而比興爲多言天籟也雅頌則人籟矣自離騷漢魏以迄曹子建陶淵明去古未遠時有風人遺意唐宋諸大家才情魄力非不獨出冠時而排比鋪張敦風好齋詩初編

卷首

敘

一

漸近于人籟豈非運會使然歟夫聲音之道感人最微當其籟之所發其來無端其去無迹純乎天而不雜以人壹若無意於爲詩也者故婉而成章委曲而篤摯使人置身其側若不知歌泣之何因者動以誠也誠則動動則變變則化唯天下之至誠爲能化風以動之亦猶是耳嚮嘗持此意以論詩今於吾友葉君澗臣見之矣澗臣爲今漢陽相國貴介弟官內閣有位于

朝而樸儉若寒畯休沐之暇時與二三賢士作山水遊歸則鍵戶讀書苦吟不輟意度蕭遠令人作塵外想今

年余來京師辱君雅契一日出全稿相示其爲詩體素  
儲潔沖漠夷曠肆而不流廉而不剝高情遠韻儵然筆  
墨之外庶幾風人之遺意者君其是歟君世承苞蔭無  
單寒嗷殺之音故其聲清越以長誠之不可揜也如是  
集中紀行述遇俯仰身世搜抉奇異而出以靜深其眷  
戀庭闈愴懷師友孝友之肫篤懷抱之高迴猶掩卷有  
餘思焉所造已蘄至於古之立言求之今人可多得耶  
余方羈愁落寞比諸候蟲自鳴而君獨虛懷若谷問敘  
於余毋乃增余之愧歟雖然夷險者境也欣戚者情也  
敦夙好齋詩初編 卷首 敘 二  
任天者不可以僞爲陶情者適足以悅性亦各言其志  
而已矣何必同書以質君庶無背三百篇之遺意也乎  
咸豐六年十一月朔閩劉存仁

墨之代無幾周人之意意者其長想其意也  
詩窮中莫莫觀觀而不氣觀而不傲高青之則  
爭余來京師辱君雅契一日出全稿相示其爲詩體素

題詞

會稽宗稷辰滌甫

題澗臣城南集

作詩從詩求已落第二義學詩舍詩法又恐縱游騎兩

者能渾化神理自天至葉仲性情好于學得真際但思

追古人甘苦與同嗜嘉禾旣敷穎芳疇漸成穗養之溫

潤中元氣益滄粹願忘穫餐心長保生長意縣縣無盡

期時來定相致尋源通大道末哉壯標幟

張建甯張際亮亨甫

敦夙好齋詩初編

卷首

題詞

三

道光丁酉歲暮入都澗臣出示近詩盡一日之力讀竟

歎其格高韻雅已深得唐賢三昧集之旨明之高徐當

拜下風矣爲題三絕

風雅微茫有正聲漁洋惜抱兩分明爲君更話滄浪旨

千載騷人過眼輕

李何驂駕見高徐風格孤騫世未如不信後人輕七子

翻成老馬戒前車

十載徒歌行路難蒼涼天地一征鞍哀笳急管關山怨

不及湘靈暮瑟寒

大興孔繼鏢宥函

勞生涉塵海往境驚溝奔與君一歲別新詩清且溫  
晤言發至性章句天所存感子庭闈樂我親今倚門海內  
百壇坵南面無並尊紅紫照天地春木有本根萬里洪  
河流一勺瞻昆崙三復君于什兀坐忘朝昏掩卷臥風  
雪夢我江南村

益陽湯鵬海秋

歷歷千秋事茫茫難重陳沉湘有騷派江漢得伊人濁  
酒情何限青春句入神荃蘭滿懷抱持以擢荒榛

敦夙好齋詩初編

卷首

題詞

四

錢唐陳文述雲伯

予客漢上數年聞葉君潤臣之名未相識己亥夏遇于  
都下獲讀所著城南集一冊詩派高卓是宗最上乘參  
第一義者奉題二律以識心折

小隱青鸞閣朗吟黃鶴樓當年歌旅逸於此泊扁舟君  
在名山住門前楚水流一編詩境好明月氣之秋  
揖讓十九首出入三百篇直從正始後遠泝建安前  
水王摩詰襄陽孟浩然燕臺勞過訪把臂證詩禪

昆明戴綱孫雲帆

題城南集五首

石林家學早知名談藝猶深古性情讀罷城南詩一卷

碧天如水月華明

高松鶴語和幽情官願昏鴉鬧滿林洗盡人間箏笛耳

朱絃三歎有遺音

詞人綺麗盡堪嗤風雅能親善得師三樂輸君原第一

陔南載續采蘭詩

萬古離騷一卷經懷人風雨夜燈青蓉裳蒞佩知何處

別有秋心寄洞庭

敦夙好齋詩初編

卷首

題詞

五

楚雲高捲漢東流閣畔晴川繫客舟今日因君憶知己

遺編誰訪蔡黃樓

監利詩人蔡黃樓以稱余于辛卯留滯武昌曾與倡和今別七載而黃樓

卒矣感懷舊雨不勝慨然

又題鴈門溯澗諸集二首

舊讀城南集陶公有替人離居幾寒暑醞釀益清醕響

發詞無懦思通筆有神平生此肝膽解劍贈交親

西南上黔嶺北度鴈門秋大得江山助誰言汗漫遊海

氛阻征騎湘月艤吟舟我亦思歸客心驚逝水流

陽湖洪齋孫子齡

更名惠方

經師尊兩漢豈獨以詩名偶鼓雲和曲能教俗耳驚一  
聲清磬發萬壑曉泉鳴抗手揖陶謝泠然多古情

鼓柶下維揚江流接漢陽山川界吳楚壇坫競蘇黃鵬

運凌清澗鷗盟戀故鄉時子將南旋何時重翦燭煮酒話行

藏

無錫秦緇業澹如

我昔遊春明識君通德里伯仲同翩翩聲華方鵲起長

安多貴遊紛紛夸甲第誰于風雅親交臂失之子今春

我重來登堂各色喜示我凝雪詞讀向秋樹底一唱復

敦夙好齋詩初編

卷首

題詞

六

三歎妙合絲桐理聞君敦內行詩篇特餘技卽就詩論

詩根本在倫紀願持圭璧躬莫悅箏琶耳

曲阜孔惠彝敘仲

驚倒陳無已

謂陳雲伯丈

前賢畏後生才人原有數流輩漫

相輕中歲真哀樂千秋古性情願君振靡弱相與主壇

盟

鎮海姚燮梅伯

甲辰入都贈潤臣卽題所著敦夙好齋詩集六首

自古奇傑士多生江漢間置君在此日轉覺勢孤孱對

客休論劍逃禪且閉關  
竭來蘭海上荆杞未全刪

五月梅雨溽昔別在京畿  
君馬太行去吾帆越海歸  
關山兵忽隔信息鴈同稀  
不信復茲遇相驚轉自疑  
客身憐病困嬾造故人廬  
過我相慰藉牽衣各歎吁  
無端千緒引翻覺一辭無  
坐且眊空闊天雲同鬱紆  
皎皎晚山雪閒閒春海雲  
乾坤與高潔相對每思君  
樸至情忘飾心空物可羣  
但援豪邁例斯世總紛紛

詩無塵土氣味雋抵江瑤  
直嗣中州響應悲下里  
嵩貞存篁可媚蒼極柏難  
凋祇惜箏琶耳何能辨大韶

敦夙好齋詩初編

卷首

題詞

七

畢竟才華重斯人已可哀  
眼中同輩少吾子慎將來  
古史無文苑名山有劫灰  
試看神駿骨埋沒幾蒿萊

合肥徐子陵諗甫

昔日對君飲默坐移時兀  
相向拗眼愁看冠帶狀  
今日誦君詩幾次思君重  
惆悵絳雲白鶴跌宕霧裏芙蓉  
曉花放水仙姿飾不時樣  
按圖索馬世則爾愧死山人  
昨皮相黑雲東來霹靂走  
笑把君詩不去手快筆能消  
酒一斗牆頭過雨棗葉晴  
虎房橋畔燈火明西樓片月  
傳高唱一夜憑君思洞庭

上元甘熙石安

風格高騫迥出塵油然忠孝醞天真少陵遺響空千載  
卻月城邊有替人

南走黔中北鴈門山川靈氣吐還吞羨君眼界真雄闊  
翦燭西窗待細論

監利王柏心子壽

六義始萌芽厥初在忠孝太上悅靈祇次者輔彝教爾  
來盛殲波才智縱輕慄僞體競相沿顛若風中燵吾黨  
有葉君卓然踐闔奧羣薺擢嘉禾眾暗秉孤照修業豈  
敦夙好齋詩初編

卷首

題詞

八

不劬和平神所勞

聞君處門內愛敬隆天倫今觀卷中什益知流露真豫  
章拔千尺屈曲蟠其根升彼崑崙邱方識長河源君詩  
本至性元氣同綱緼雅道終不替長與義娥新

父兄陟通貴出入腰銀黃列宅

帝城裏車馬臨康莊閉戶在人海峻若干勿岡道遙覽  
百氏俛仰凌八荒嘲譽一不計榮辱兩可忘由來草元  
客何辭執戟郎

北行出代郡南行踰黔中匪徒覽山水用佐吟事工丈

夫志經世遠覽超寰中  
阨塞審形便疾苦知民風自非  
走萬里何由昭發蒙  
陋哉齷齪子動矜章句功  
騫斯處蒿下安覩扶搖雄  
伐木義久廢交道日以虧  
惟昔穆與峻發憤嗟陵遲之  
子叶麗澤臭味無差池  
膠膠風雨夕志行何敢墮  
久要隔泉壤不負平生期  
悲哉松寥子電謝不可追  
君詩有餘勸宿草今離離  
范張去已遠古風猶在茲

繁子實膏昧棘林螢自燭  
感君惠前綬容納比虛谷  
敷衽唱高言斷金義不黷  
白雲向南飛未敢久竊祿  
君當敦夙好齋詩初編

卷首

題詞

九

爲國華余當返邁軸出處殊  
飛沈標尙共貞馥山石儻  
不遺庶用佐攻玉

清河吳昆田稼軒

咸豐癸丑涂月潤臣出詩卷見示爲題二詩

百事無一可展君囊中詩君詩三百首清切縈心脾  
風騷契奧旨漢魏通幽思有時山水作鮑謝天然  
塗道涂辨涇渭世味參醕醢悠悠盛明世汲汲風俗悲履霜有  
微論三復空嗟咨  
藹然忠孝門本根極敦篤以此求友生結交鄙徵逐潘

四農師張亨先邱壠孔有魯通各山谷爾我斲合并萍蓬

滋感觸仰天看白雲無路翔黃鵠有懷須浩浩放眼忘

蹙蹙佐我酒千觴吟君詩一束

江都蔣超伯叔迄

題潤臣詩卷次稼軒韻

丁年在京輦讀子黔行詩歲月今幾更熟如煮羊脾我

從淮海至時切鄉閭思輒繡天街中快覩冰玉姿君乃

九醞醕我似村醪醕愛君懷古作音響一何悲如馮瀛王墓劉

武穆象宜化 賦生安足論掩卷徒嗟咨

敦夙好齋詩初編卷首 題詞

漢家詠忠侯惟傳一杜篤今代多詩豪壇坫各徵逐舍

人尤嶽嶽高唱邁坡谷疑君握靈犀不受一塵觸何意

人海間孤鶩見黃鵠西山鬱如黛隱隱螺紋蹙與君作

春遊更有詩一束

上元何兆瀛通甫

題潤臣癸丑詩卷

拓戟傾尊話故鄉醉來贏得句蒼涼空餘杜老憂時淚

無路題詩寄草堂

上元許宗衡海秋

江漢知何處燕山落日懸詩情增老大歸夢阻林泉吏  
隱中書省愁心上水船年來共酬唱掩卷各淒然  
當代詩誰健狂吟首重搔鄉音問戎馬心事託風騷冉  
冉驚時序蕭蕭況鬢毛無因出塵網登眺覺秋高

江都符葆森南樵

丙辰三月入都潤臣出示詩卷書贈

拂君朱絲絃賦君青琴篇泠泠下天風颯颯迴夜泉真  
味造何境深泊迺自然騷正塞胸次情孳生涕漣知君  
懷我心如我千轉旋九死我詎惜勞君意纏綿苦顏對  
敦夙好齋詩初編

卷首

題詞

七

君語膠結始一宣垂老愈嬾拙隨命相遷延含淒向春  
色默默慚芳妍百事感衰歇寸念君所憐以君勤懇心  
豈我獨君賢三復昔者作嗚咽如嗚鵲飄零忍回憶肝  
肺餘一煎

閩劉存仁炯甫

咸豐六年冬客京師潤臣以詩屬序並成長句奉贈  
我家僻處閩海隅跼踖鄉里如守株十載聞聲不相見  
獨學每歎豪情孤老來重走長安道濟川利涉求印須  
君之哲兄享茅土蚤登薇省遊天衢散直下帷若寒素

咀含義味神清腴苦吟不知俗眼怪開口論事稱吾徒  
推襟送抱半賢達温伊初樹齋羽可孔宥函太守兼丁

儉卿徐廉峰山陽潘老四農不可作想見風采爲醅儒  
舍人編修解元

君之精神有默契淪淡道妙占中孚數公恨我未邂逅

不及投縞三長吁今年交君甫及期愛我謂與眾人殊

新篇絡繹走廉從探懷出示千明珠明珠一串照肝膽

使我百慮交縈紆黃香鐵張亨父曩人我舊雨食字老

死仙蟬枯黃壚感逝各腹痛生前文采空區區卽今晨

星數老宿豪俊輩出無時無風流人物總代謝今古陳

敦夙好齋詩初編卷首題詞七

迹皆須臾回思乾嘉全盛日海內文酒相歡娛名流簪

盍狎壇坫上國麟集聯襟裾連年烽火因轉戰八荒民

力窮征輸東南耆舊幾凋謝遁迹亦甘山澤臞手君斯

編再三歎道義離合關隆汗文章光怪持運會消弭泮

厲言非誣仰天倚劍一長嘯堂堂白日浮雲徂霜寒歲

晏天宇闊羈栖南望多歧途浣花乞食徒沾臆鹿門偕

隱無良圖出處思量無一可峒強故態猶狂奴感君氣

誼肫且誠斂躁愧我心神麤不如緘口飲美酒和歌燕

市呼烏烏何年海寓頌清宴與君泛棹游西湖

敦夙好齋詩初編目

卷一 道光乙酉至丁酉

四十五首

城南集一

八十七首

增二首

卷二

戊戌

一百八首

城南集二

七十三首

增十一首

卷三

己亥正月至庚子四月

一百八首

增三首

城南集三

四十九首

卷四

庚子五月至辛丑閏三月

一百八首

卷五

九十二首

增二首

敦夙好齋詩初編

卷首

目

卷五

辛丑閏三月至八月

南征集一

八十首

卷六

辛丑八月至壬寅六月

南征集二

一百八首

增三首

卷七

壬寅七月至九月

潮澗集

一百八首

卷八

壬寅九月至十二月

北來集

四十五首

卷九

癸卯至戊申

薇省集一 六十八首

卷十 己酉正月至庚戌三月

薇省集二 七十首

卷十一 庚戌四月至十二月

薇省集三 六十一首 增二首

卷十二 咸豐辛亥至癸丑

薇省集四 五十七首

名禮幼侍先大父授經史餘事學爲詩私篋積藁

凡數百紙未敢出以示人洎與邵武張君亨父訂

敦夙好齋詩初編 卷首

二

交都下亨父勸肆力爲之因亨父得識山陽潘四

農先生先生於詩根柢深厚質疑問難獲益良多

別後郵筒商榷終歲靡閒修書執弟子禮師事之

數年而還人事迭更學業日就荒廢東塗西抹卷

軸填委棄之又復可惜爰取叢艸芟汰大半存詩

八百餘首凡十有二卷自道光乙酉迄今垂三十

年平生梗概略具於篇所詣不過爾爾爲可惡也

咸豐三年太歲在昭陽赤奮若除日漢陽葉名澧

記於都門寓邸

男恩頤校字

敦夙好齋詩初編卷一

道光乙酉至丁酉

大城南集一

漢陽葉名澧翰

春山草堂

言懷

車馬喧通衢我廬如山林久知人生樂何必榮組簪  
首展遐矚白雲舒高岑旭日照嘉樹和風來烏音壁琴  
不解彈我懷與之深此物何足貴可以平人心歲月日  
以駛尤悔日以侵內省嗟已晚黽勉誓自今

大父乙酉除夕侍大父側言詩

敦夙好齋詩初編

卷一

一

大父傳詩法唐賢一卷尊江河懲別派騷足討根原萬  
事庭闈樂新年鼓吹喧辛勤時雜誦莫負此宵言

送人之武昌

明月烏啼黃鶴樓蕭蕭殘柳渚宮秋扁舟一笛橫江去  
好趁西風下鄂州

江南春思卷子爲祝子偉

雜則題

夾岸垂楊柳烟波放棹還江南春色好青到虎邱山

戊子順天秋闈三場號舍遇太倉黃友蓮

景濂賦

贈

婁東名下士射策一相逢健筆獨雄出清譚無情容相  
依層棘月坐待隔樓鐘豫結登高約城南眺遠峰

送吳蘭雪舍人丈

嵩梁

之黔西州牧任

腰鼓送殘臘春風吹四筵廿年中隱客

中隱見白香山集

萬里

夜郎天薇省才增重雞林句早傳何時廣招隱九里問

桐仙

君嘗欲卜居桐江之九里村因顏所居曰九里梅花村舍

不來來翠窗對木

送喻壽芸表兄

樹儔南歸

暮色抱遙山秋風吹古樹一鞭帶夕陽遙指江鄉路

靜觀齋四圖爲張淵甫題

履

敦夙好齋詩初編

卷一

二

卻掃讀書

柴門無過客萬卷陳瑤席古人去已遙孤懷誰與識

停琴遲友

松風鳴虛籟明月流寒影美人來不來孤琴當夜永

春郊放牧

春郊過微雨曉望皆新綠依依楊柳深烟際驅黃犢

山居種樹

君家莫釐峰雲木蒼然秀一編種樹書歸與山農究

東送譚力臣

大勳

歸長陽

歸長陽

裘敝黃金盡遊人歲暮歸那堪太行雪吹上老萊衣河  
凍魚龍蝨天寒鳥鳥飛清江憶我處明月照漁磯

送宋子廷丈

翔鳳

下第後之太原

垂白長安道淒涼止計遲經生推老宿餘事託聲詩去

問彼汾曲愁攀衰柳枝通家今冊載有淚灑臨歧

先大父給

事公與君尊甫西樵先生簡乾隆庚戌同舉進士距今歲道光壬辰四十年矣西樵先生後以山東縣令終先大父亦於庚寅八月歿於京邸言及不禁慟然

送平卽目

微風吹芳草曉日媚遙浦箬笠兩三人濛濛隔烟語

敦夙好齋詩初編

卷一

三

送張淵甫歸洞庭山並懷王亮生

鑒

沈子敦

執手黯無語重來未有期名山羅秘笈儒帳作經師江  
路寒潮廣霜天旅鴈遲若逢王與沈爲我道相思

懷潘四梅

遙夜百端集攬衣出庭戶零露白露下切切寒蟲語  
觸平生歡去我適何許涼風一以至荏苒積時序蕭蕭  
秋聲來聽之靡定所明月出林表顧影空延伫

送人之湖南

洞庭湖水碧於羅洞庭湖邊釣艇多白雲深處泛樵去

八月涼風秋始波

送張亨甫

際亮

天涯秋草綠歧路自傷神暮雨沈寒色西風別故人難  
忘杯酒樂莫厭寄書頻惆悵車輪遠孤懷孰與親

題春山曉行畫幀

曉日在高峰遙見峰頭寺烟際不逢人鳥語出空翠

題山居圖

秋聲羣壑動林鳥暮歸初蒼翠一山滿幽人此結廬月  
明樵唱合風定寺鐘餘寂寞衡門裏閒談種樹書

敦夙好齋詩初編

卷一

遲雪

凍雲浩夕陰萬籟同一靜沈沈遠鐘疏漠漠虛烟冷幽  
人悄將眠暝鳥棲未定高館微寒生殘燈耿清影

送人之太行

莽莽太行道風沙朔氣多萬峰迎匹馬十月渡滹沱

冬夜對雪懷潘四農丈

德輿

遙天覆凍雲門巷車塵絕憶君淮上廬寒燈照深雪  
千山復萬山不辨雪中路雲外暮鴻鳴應向淮東去

寄懷哈菊人

福納

胡東谷

兆春

劉西園

銘本

黃海

華文琛 諸君

鳳城二月黃鸝鳴玉河橋畔春水生登高極目望遠道  
愁心綠遍中洲草東風一夜來楚關碧雲飛盡江上山  
黃鶴樓下波千尺夢裏乘舟載月還

夜懷陳九香

瑞琳

夜深羣籟息寒烟滿林薄雲間涼月生餘影入幽閣徘徊不成眠援琴佯遙鶴

寄終南山中人

之子好疏曠幽棲傍梵城廬深惟有竹春盡不聞鶯讀  
敦夙好齋詩初編

卷一

五

史忘塵事彈棋待客評終南山下路迢遞白雲橫

送人出關

匹馬愁危坂揚鞭此遠征鴈聲寒廣澤秋色下孤營地  
險山雲壯天空海氣橫成樓莫吹角有客宿邊城

寒夜讀張淵甫詩卷有懷

幽居夜氣深霜月沈空水手持一編詩展向松陰底冷  
泠太古音非絃亦非指回憶莫釐峰清鐘白雲裏

送黃香鐵

劍之開封

秣馬橫長劍蕭然入汴州離心當落日寒色滿盧溝少

室白雲暮吹臺青草秋停鞭發高咏早爲付京郵

送人之江西

離亭正秋霽霜落鴈飛初送爾泛舟去西風還舊閣江聲隨客路山色入匡廬高卧草堂下重編種樹書

黃香鐵歸自開封出詩卷見示卽贈

西風幾日攀條別匹馬中州覽古來秋草難尋朱亥里短衣獨上孝王臺河聲嶽色歸吟卷紫笛金箏悵酒杯憑弔漫增賓客感已看健筆勝鄒枚

春夜對月懷張亨甫

敦夙好齋詩初編

卷一

六

之子不相共其如深夜何鴈鴻春盡少風露月中多寒影遲殘漏清光澹曙河遙遙滄海畔誰與慰蹉跎

寄荅晁星門

贈端

與君相見時不知有離別願作玉連環不作天邊月天邊月易虧連環終不缺纏綿復纏綿安能中道絕

月夜登江亭

良夜發幽興驅車入葦汀不知城畔月先我到江亭一塔望中白數峰空際青老僧能解事禪戶不曾扃

送王生

西峰橫翠微寒光滿城郭郭外桑乾水悠悠去不息離  
亭一片雲隨君渡河北

未渡河身疑燕塞人負刺衣

時雨不終朝新綠布遠林扶疏映牀帷好鳥爲我吟微  
風時一至滌我塵外襟美酒不在多適意無停斟安得  
此杯酒化爲中天霖九州一磅礴飢渴蘇黎黔用佐聖  
明矩三階齊古今

鐵耕樓詩爲黃香鐵作

并序

香鐵舊居鎮平縣西道光丙戌五月異漲驟發居室傾  
敦夙好齋詩初編

卷一

七

圮舉家旅食潮陽越三年歸築室兼營小樓顏曰鐵耕  
繪圖索詩

嶺南詩老鐵耕子南走吳越必燕市坐磨鐵視年復年  
欲歸不得耕無田朱顏白口已非昔一官蹭蹬感雞肋  
客舍羞爲長鋏彈黃金拋棄無顏色憶昨颺母掀狂風  
蛟龍夜撼波濤宮潮陽三徙毋乃窮眼中突兀茲樓雄  
好山繚繞正相對青蒼來自天馬峰奇文秘冊驚神鬼  
洪音巨律諧笙鏞樂志未遂仲長統豪情久負陳元龍  
呼嗟乎丈夫生平不快意九州歷遍眞游戲世事反覆

難具論祇合名山藏姓字鐵耕樓高雲與齊君歸拏舟  
程江西花時吟望春風暮平蕪遠道青萋萋

若園圖爲單廉泉布衣

爲濂

題

揮手辭滄溟息心成別築柴門面寒漪小園結空綠讀  
書南榮下聊以養茲獨夕色辨歸禽古香澹林木慮屏  
境自幽逸然在深谷披圖生隱心清風緬高躅

又爲單廉泉題瓜洲泛月圖

廉泉有  
自記

夕景滿江千客行亦未歇泛舟漾春潮散髮弄涼月江  
月圓有時江潮去不回徘徊未云已望古興嗟咨夙昔  
敦夙好齋詩初編

卷一

八

光堯年英雄竟安在荒荒舊津梁寥寥閱人代人代難  
具論青山迹空陳闕暝去雅落峰暗寒雲屯蒼茫不可  
絕夜迴悲響發妙舞凌飛鴻清歌激艷雪歌終懷古愁  
對此波悠悠長風起天際孤舵橫中流月色無古今潮  
聲自朝暮明發辭瓜洲蒼城渺積霧

張淵甫官句容教諭書來寄示所著學箴六則作

此荅之

國朝尙經術特崇師儒席風化隆替關所司有專責誦  
君勸學箴詞意何懇惻聖教譬江海萬古流不息演斷

港復歧何由達溟碣君抱經緯志匡坐發深暢諄諄三百言反復洞胸臆士林啓躋聳古訓資羽翼緬懷胡安定清風遍茗澤經義兼治事濟濟多英碩建康本吾鄉

名禮先世居江甯

人物思往昔連雲阻遙天展卷儼良覲豫章

蔚棟梁鐘鏞振泮壁斯文日以興允為來者式

得明竹欄丈 保蘇州書

挂席向何處天寒鴻鴈鳴涼風生靜夜離思滿高城長劍三秋夢浮雲萬里情蘇臺烟樹晚歲暮尙孤征

送單廉泉歸高密

敦夙好齋詩初編

卷一

九

斜光餘翠微靄然燕郊夕遙遙征馬遲黯黯離思積寒色低廣途飛鳥帶孤客白雲林屋深歸來憩幽石

冬夜懷哈菊人 福納

閒居歲云暮頗與詩書親所遇非外至靜以全吾真攬衣出庭戶霜氣凜夜分寸心幹羣動靄然見春溫隔林微月上照我松下尊天風散空籟矯首延華雲眷此幽獨意言念同心人晤言不可得清鐘渺重闔

題陳小舫內兄 廷經 春朝讀書圖

端居抱往籍倏忽驚歲周興言念黃虞一室相咨諏靜

有歌詠樂而無塵事憂黽俟來哲抗懷希前修春風  
自東來桑麻已滿疇曉聞林鳥聲閒關自相傳炯茲方  
寸光疴癢共九州擴充貴有術天機非外求努力希良  
時願君勿夷猶

張亨甫計偕入都有贈

燕市久爲別重來鬢未推側身倚孤劍長嘯上高臺驛  
路風花晚鄉關澤鴈哀蒼茫無限意執手且徘徊

與潘四農丈別後月夜有懷

明月上林表流光滿素琴離懷一尊酒古調百年心花  
敦夙好齋詩初編

卷一

十

落燕臺暮風高淮水深天涯猶咫尺莫使鬢毛侵

和作

山陽 潘德輿 四農

嶺南江右兩老翁

鑣平黃香鏡  
永豐郭羽可

飄然去我如飛蓬漢

北少年尺書至指眼疾讀心忡忡京華軒轅走駱驛

何爲眷此山林客三月不見入君夢我文一通長在

壁

來書  
中語

文章豈足了君事逸逸前修共肝鬲寒霜垂

空萬星溼風吹我心往趙北淮流漉沈橫我前几上

瑤琴韻酸惻卻思老友雙淚流嶺雲漠漠江悠悠勸

君青鬢莫懷友風雨愁多易白頭

君有風雨  
懷人詩冊

夏夜

漏盡夜氣澄默坐息羣想靈臺空復空湛然樂其養娟  
娟覆窗竹清風送幽響何必山澤棲然後絕塵鞅太清  
起層雲倏忽變殊狀萬象靡定遷我懷自昭曠無競安  
足矜願言貞所尙

書潘四農丈友說後

茂林多幽鳥淺流無巨鱗曠然宇宙寬物各思其羣結  
交尙肝膽摯誼侔天倫聖言重三益直諒兼多聞多聞  
豈文藝名譽匪所云何況恣徵逐變滅如浮雲斷金取  
敦風好齋詩初編

卷一

七

易訓伐木懷詩人所貴慎厥初持敬久彌敦嗟余抱尤  
悔昧昧涉眾紛旨哉潘子言用以書諸紳

送郭羽可舍人

儀霄

歸永豐

燕南八月西風涼白露欲下鴻南翔眼中之人忽將別  
欲語不語神徬徨君今還山一何速我爲君歌還山曲  
還山之曲不可聞山有木兮縈夢魂黃金臺空塵浩浩  
青眼相逢恨不早文章有道慚阿諛意氣相傾結懷抱  
天風吹空浮雲馳人生離合難逆知橫腰空有千金劍  
吐氣不得騰青霓鳳池回首辭雞樹馬首青蒼莽迴互

捧芝上壽親顏歡身外浮榮吾何慕君家層巒石若東  
繞廬謾謾圍青松撫琴憶我長安道明月正出青原峰  
重九日黃樹齋師暨汪孟慈戶部喜孫招諸同人  
龍樹寺秋禊並餞羽可香鐵兩君香鐵以事未至  
落木蕭蕭去鴈遲清遊莫負菊花時最難佳節酬風雨  
無那悲歌悵別離郭外鐘聲催夕照天邊嵐氣入深巖  
賓朋盛集東南侶合補前賢展禊詩

附

永豐郭儀霄羽可

又共高朋載酒行西山爽氣入樓清黃花送客秋無  
敦夙好齋詩初編

卷一

七

語紅樹連村鴈有聲今日重陽須盡醉他年舊雨倍  
關情詩豪滿座親風雅先喜汪倫老句賡孟慈詩  
先成

月夜散步

靜夜羣籟遠霜氣凜秋節乘興一攬衣散步廣庭月微  
風何處來時覺動林樾風月不可名偶遇良足悅萬象  
澄虛明我懷皓與潔陶然命尊酒況此離菊列

天甯寺塔鈴歌

明司禮監  
馮保造

天風無聲銅仙泣浮圖高聳十三級塵沙飄墮懸鈴孤  
廠臣馮保名可識雙林松檜參天長遺窟久付狐魅藏

雙林寺馮保營葬地雙林蓋其宇也

風雲魚水信難悖

風雲際會魚水相逢皆明神宗賜馮

保牙

得毋鑄此諛空王三千寶琅雲中舞塞耳不聞鐘

與鼓燈火高懸燕薊郊膏脂力竭東南土威權早竊薦  
紳危象教有靈神鬼怒青玉崢嶸飛鳥絕此塔歷遍興  
亡劫九鼎潛移十廟荒異代傷心有殘鐵噫吁嘻奄人  
倒柄持太阿鐵牌豫誠良非苛煌煌祖訓將如何

送哈菊人歸里

直如澗底松堅如山上石結交貴如此性情乃不隔念

我平生友如君豈易得嗟君仇爽才青冥屢鍛翮君去

敦夙好齋詩初編

卷一

三

未敢留離情歲暮迫比年江漢區膏腴變浸澤歡場歌

舞散殷富久非昔昨幸消息來今秋頗有麥蛟龍斂其

威柔麻翳新陌復聞逃亡輩各歸營窟宅久客詢鄉邦

但願農無厄天道相虧盈民生異休戚高堂望君歸白

髮殷晨夕連朝村鵲呼入門顏色懌良歲酒價減斟觴

佐黍白至樂在庭闈溫清敦厥職獨恨朋好乖迢遙阻

良覲才名勿輕投慎此懷中璧致身會有時甞勉蓄謨

策同雲蔽四野萬感結胸臆驅車各無言孤城莽蕭瑟

送人

高齋夜風雨況復送歸人寒色自遠道孤帆辭暮春鶯  
啼鄉夢遠柳色客愁新回望別離處長亭起暗塵

暮望

東風春色晚極望但蒼蒼落日低燕樹層雲起太行

送人之大梁

垂老梁園去當年作賦人還家無長物倦客困征塵山  
色燕關遠風花汴水新踟躇悵明發匣劍託交親

書貞觀政要後

太宗治略冠三唐創業艱難起朔方廊廟訐謨藉房魏

敦夙好齋詩初編

卷一

古

興亡炯鑒凜隋梁新羅幾見邊烽靖突厥終憂宿衛強  
一代經綸初政備屏風異日頌前王

得黃香鐵去冬漢口書卻寄

挂帆辭夏口何日達潮州霜月江城曉風烟旅客愁醉

歌應未減養拙自無求憶我更何處浮雲西北樓

君爲潮陽

教諭距家甚近鐵耕樓君所居也

書費畊亭師感舊懷人詩後

故舊異生死端居萬感俱名山各有待吾道未云孤滄  
海人琴杳天涯鴻鴈徂閉門春事晚遣興酒千觚

夜送潘四梅

明夜燕山月相思又獨看南風吹暮雨匹馬渡桑乾薄  
宦歸無計高歌興未闌青尊堅後約此去慎加餐

題馬士英畫冊三首

王漁洋黃俞邵九悔菴錢蔣石諸公皆有詩今為王蕩唐

光祿璋慶所藏

歌管薰風殿君王樂未休江山餘半壁烟景不勝秋

長板橋頭路當年畫客居青溪弔江令寂寞只啼烏青溪

北有江總故宅見張敦頤六朝事迹又周亮工讀畫錄士英罷鳳督後僑寓白門肆力為畫

話到滄桑劫匆匆十五年飄零卷中柳殘墨尚依然士英

敦夙好齋詩初編卷一

五

自題辛未夏日畫

陶然亭題壁

江家亭子傍城隈載酒平臨霽色開遠水欲波鳧共泛  
空廊初雨燕飛來殘幢何代理斜照敗壁尋詩拂舊苔  
可惜三春花事少青紅誰為滿庭栽

懷潘四梅

宿鳥霽初定深林寒色多涼風憶之子今夜在滹沱琴  
劍殷離夢關河足浩歌更闌不成寐涼月下庭柯

夜永

夜永坐階石清風愜幽賞樹影動深林蒼蒼微月上

興勝寺夜送郝聲甫

齡

月落遽云別離憂未可刪烏啼蕭寺樹人去薊門關暮  
雨鄉心急炎風客路艱來朝莫回首垂柳不堪攀

懷韓玉符大令

賜麟

甘肅

百里雖云屈平生願且償雄關嚴鎖鑰曠土足耕桑山  
色橫邊壯民風服古良懸知爲政暇不廢是詩章

月

明月照清夜更長人倚樓海風吹不定天路去何修玉

敦風好齋詩初編

卷一

共

杵三生夢青蛾永夜愁高飛有烏鵲市樹未曾休

金園

載酒雨初霽風光郊外新名園頻易主野鳥偶招人荷  
芰江鄉夢輪蹄過客塵西山餘積翠斜日下荆榛

懷潘四農丈

寄書何日達我夢在淮陰聽到征鴻唳方知獨夜心秋  
風響寒杵霜月落幽林極望滄流遠思君孰淺深

曉霽望西山寄友

一夜長安雨翠微嵐氣濃龍泉有古寺應在亂雲中

一屋如山寂間居樂事多密陰鄰樹借微雨暮禽過獨立參羣化幽懷託嘯歌黃塵車馬地寤寐擬榮阿

孔宥函刑部

繼錄

移居宣武門橋南賦贈

薄宦隱朝市幽棲願未忘開門近蒼翠臨水當濠梁長物書連屋清歌酒滿觴天涯念知己翹首暮雲長

謂君師四

農先生也

冬至夜與伯兄崑臣小飲

令節忽逢至陽生春又來未凋窗畔菊莫放掌中杯夜

敦夙好齋詩初編

卷一

七

氣清如許韶華暗覺催勞勞車馬客門外尙轟雷

次夜又與伯兄醉後作

高館橫經暇連牀足禦寒杯觴消夜永文字博親歡拍斗歌空壯談天興易寬陶陶同薄醉隔巷柝聲殘

悼昭并序

昭爲嫂氏李安人所生生數日嫂卒余有以爲己女者二年丁酉十月殤殤後二十餘日復來入夢詩以悼之汝已兼旬死回思涕淚頻纏綿來入夢嬉笑尙爲人癡果膏肓結醫難藥性真淒涼蕭寺路題碣墨痕新

書懷

我廬傍通衢車馬聲不息百年如旋流勞勞將安極吁  
嗟童稚年去我如頃刻春華未可常鬢髮霜已逼嘉禾  
乏漑潤良田亦不殖欲策祖生鞭何如陶公甓

雪中宥函過訪

經旬輒相見握手話新詩寒雪滿行路高軒慰我思苦  
吟憐共癖閉戶畏入知身世茲焉託崢嶸歲暮時

柬黃雨生工部

驥雲

三載比鄰居一刺猶未通交際何以然君子思其終昨

敦夙好齋詩初編

卷一

六

在鴻臚座見君冰雪容默然各無語懷抱羞雷同執手  
忽振觸念我香鉢翁蓬蓬潮陽道浮雲悲西東硯田日  
荒拙身世緣詩窮纏綿尺素書讀罷心爲忡歲晏羣卉  
枯積雪來寒風濁醪沾莫停放歌慰隆冬

香鐵君族兄也昨有書來

境況甚貧

贈張亨甫

一日復一日義輪無旋軻少壯能幾何念此增煩憂別  
君未云久歲華聿已周君去心若結君來疾爲瘳谷鳥  
止嘉樹嚶鳴思其儔人生無友朋何以寡悔尤努力崇

直諒古道非悠悠

歲晏

歲晏寡塵鞅可以扃吾廬偶出無外適解囊求異書歸  
來輒秉燭佐以酒半壺歌詠忘達旦喜與伯氏俱稱心  
道所得放懷天地初親愛篤根本文字皆其餘願以今  
夕酒皓首同歡娛

夜讀孔宥函辛卯年詩

卷中多與四農  
丈酬唱之作

紙窗黯暮燭殘月下遠林百憂集無端誦君行役吟君  
時去燕趙南溯清淮深倦馬怯長道游雲思故岑登高  
敦夙好齋詩初編

卷一

九

望寥廓鄉邑寒層陰褰裳不可涉潢潦嗟滯淫蒼涼激  
悲詠悽惻動我心潘翁我別久喜與君盍簪翁句猶在  
壁真誼倅斷金清淮浩無際飛夢難爲尋朔風厲中夜  
迢遙征鴈音把卷發長慨浩歌歲云駸

和孔宥函二首

與君數日別忽若閱寒暑甯知常相見疑義復靦縷同  
堂無雜言夢寐通爾汝人生首萬類豈以形迹阻大塊  
共戴履情在斯無侮蘊真崇厥幹持之若干櫓縱令鐘  
呂毀不與瓦缶伍再拜君子誼穆然藏肺腑

斯文契性命不在名譽耀卷之不盈掌實載萬物奧大  
哉天地心稟受隨所造適道無異軌精神爲感召不聞  
趙郡鐸乃與黃鐘肖言詞先立誠匪徒惟其貌厥中不  
可隱判然鑒瞭眊願彼夸毗子悠悠那足誚忠信誓不  
改願爲知己告

荅哈菊人胡東谷

十載名場淚憐子鬢欲疏朔風今夜雪遠道故人書文  
字盟知己江湖感索居遙遙漢皋曲燈火掩茅廬

讀孔宥函除夕書懷十八首書後

敦夙好齋詩初編

卷一

三

月落不知曙城頭啼萬鴉長風起遙夜遊子正思家眷  
此歲云暮如何天一涯朝來攬清鏡多恐鬢將華

敦夙好齋詩初編卷一終

男恩頤校字

敦夙好齋詩初編卷二

戊戌

漢陽葉名澧翰源著

城南集二

人日湯海秋戶部

鵬

招飲家筠潭丈

紹本

黃樹齋

師孔宥函

繼鏢

溫伊初

訓

張亨父

際亮

楊希臨

士

暨余凡八人分韻得天字

春風鼓大宇萬象爭新鮮開歲忽七日靈辰來故人登

高績曩哲舊事荆楚編

以正月七日爲人日始於荆楚歲時記

太平職業

暇佳日文翰聯金石有銷鑠德業方爲堅咨諏幸一室

敦夙好齋詩初編

卷二

一

相視垂千年悠悠嚶鳴思抗懷伐木篇歲月不我居直

諒古所賢各勉日新志爲歡久無愆出門望長道車馬

何翩翩夕陽在太行嵯峨城西天

正月十四日夜對月

薄雲吐圓月高樹滿清光漠漠蒼烟合寥寥獨鳥翔笙

歌喧巷陌故舊阻杯觴永夜虛堂坐當空片影涼

久不得潘四農丈書張亨甫去年來知秋間已歸

淮上並讀遊焦山詩卷因題其後

聞自松寥閣翛然返舊廬遙看天際鴈不見故人書計

日趨京國高歌慰索居遊蹤詩卷在清興復何如

慈仁寺

不覺禪廬近惟聞鐘磬音入門盡松色閒坐愛深林簷  
鳥窺僧飯爐香淨客心尋幽人境得何必在山岑

夜詠

寒暑本相代一氣爲斡旋至人貴立命情在理莫遷清  
夜發浩唱我聲振林巔庭宇曠無際有月行中天眾芳  
未萌芽冰雪居其先百年自有常吾生皆已然寥寥殘  
帙中高契羲皇言

敦夙好齋詩初編

卷二

二

小園晨起

園林雖不廣卽此爲吾廬東風告將至晨起鋤荒蕪角  
星旣西匿曜靈在須臾仰首視天宇羣動茲權輿幽鳥  
託高巢珍木交檐除元化不私力苞萼將紛敷清氣亭  
其際想見鴻濛初端坐冥萬慮懷抱獲所娛

張亨父過談

天末幾相見楚然聞足音浩歌共懷抱高館若山林暫  
此青春醉休嗟白髮侵因風訊潘老迢遞發淮陰

聞四農丈

已計借  
北上矣

讀建甯耕者余某詩卷寄贈

白號癡樵子與張亨父善亨父攜其詩卷

於行篋

朝出事耕稼夜讀忘劬饑我心葆厥初與世終不移有  
瓜復有葵有桃復有梨有盧傍隴畝先人之所遺旭日  
照桑麻班坐談皇羲酌我素心侶時復哦新詩邱中有  
至樂豈與桃源期

懷陳九香大梁

二月春已半高樓少鴈來東風將遠草綠到孝王臺獨  
立了無況新詩嬾自裁如何值良日不共故人杯

敦夙好齋詩初編

卷二

三

懷郭羽可翁

聞說歸來日幽居卜築成開窗對山翠留客聽松聲垂  
老詩篇著忘懷隴畝情故人久相憶春草滿燕城

偕崑臣伯兄小飲

處世有真樂胡爲夢中看常願尊有酒庶無憂患干來  
日旣無涯追復知其難停杯一相視鬢髮各未殘藹藹  
庭前樹交交羣鳥歡東風偶披拂物化倏改觀我心適  
無事取彼鳴琴彈

方春

方春兆甲坼和氣周我庭東風旣以暢好鳥時來鳴馳  
心遊八荒在手惟一經俯仰一爲念我生條壯齡過此  
不努力恐隨草木冥吁嗟二十載入道吾未能黽勉荅  
蒼昊何計身後名

夕坐

幽鳥寂無語虛窗臨夕陽不知春色久獨自引杯長繞  
坐橫書帙無人間草堂蕭然城市裏吾意足徜徉

題郭羽可翁墨竹橫幘

忽覺高堂上秋聲暮復朝清風颯無際烟水望蕭蕭之  
敦夙好齋詩初編

卷二

四

子在空谷翛然不可招離憂何以慰欲往大江遙

喜潘四農丈至

君攜青玉軫來自射陽城請向風前奏悽其別後情青  
山當客舍黃鳥變春聲況有張平子謂亭父高歌共

帝京

和作二首

我來君不寐君喜我酸辛白髮冒相念天涯今幾人  
須知跋涉苦原爲友朋親濟濟蓬萊殿何需老病身  
別恨不須訴登臺宜嘯歌春風生薊樹白日走渾河

大道僑居近清琴樂事多長江連庾嶺回首涕滂沱

憶羽可  
香鐵也

竟日

竟日掩關坐風聲來未休傍林纖月落繞屋數星幽無  
事惟耽靜寒宵似更秋庭前人迹少把卷足夷猶

晚望

日落杳無際殘霞猶在天中庭一何曠閑步興悠然時  
有數禽過來鳴高樹巔西峰月欲上暝色羃林烟

夜坐

敦風好齋詩初編

卷二

五

虛閣籟初靜幽人吟未慵不知何處寺向夕每聞鐘獨  
自殘編對常懷二仲蹤開門視庭宇微月在高松

宥函齋中題陸包山畫四農丈七言亨父六言余

作五言

石氣盤空去桃花滿眼紅年年二三月不解媚春風

附四農丈作

如何古石蒼厓畔猶有新花著意妍枝外碧湖三萬  
頃春風來處本無邊

附亨父作

石公猶有古洞西于本無去舟依舊桃花流水春風  
不管閒愁

又題壁上羽可翁墨竹和亨父韻

高卧對瀟湘浩浩千里白迢遙修竹林天風倒空碧歲  
寒不可採譬彼孤生柏其音諧鸞鳳悵矣操斤客

附亨父題羽可畫竹用登岱詩韻

我夢跨青鸞瀟湘秋月白道逢二妃游風吹蘿帶碧  
眷言結同心何處西陵柏覺來但有淚付與披圖客  
附四農丈作用亨父韻

敦風好齋詩初編

卷二

六

燈火四壁靜夜氣浩虛白朝來看畫竹江海滿窗碧  
有生不適用何異部婁柏借此蒼龍騎去訪紫霞客  
二月初四夜坐懷亨父

月墮不知處寥寥寒色深疏星臨靜夜微露下高林晏  
坐默無語知君同此心如何在城闕悵望渺長潯

次韻

建甯 張際亮 亨父

不知春已半寒氣入宵深獨坐見微月疏風聞靜林  
悠然懷舊意何處古人心試發蒹葭詠翻如秋水潯  
次夜再簡亨父

微月寒生暈遙看不厭深疏鐘自何寺歸鳥滿中林容  
舍春城外殘燈獨夜心平生江海意幽夢託烟濤

次韻

春城如此曠夜思爲誰深一聽疏鐘動風高月在林  
孤雲將遠色宿鳥得歸心覺盡空舟夢何當話碧潯

二月十二日孔宥函招同徐廉峰潘四農兩丈湯

海秋張亨父沈小庾

照

吳稼軒

大田

集飲寓齋分

韻得之字三首

聖皇崇文治英彥咸來歸通經乃致用黼黻臻雍熙陽

敦夙好齋詩初編

卷二

七

春布和煦草木皆華滋嘉會不易得尊酒欣相持新知

申吾好舊歡慰睽離今朝長安道昨日黃河湄

科舉逮趙宋抗念光堯時策名集英殿三百復有奇哉

峩紫陽子斯道振厥維其餘編冊間姓名胡纍纍榮華

聿已往不聞來者悲所以古之人植身恐及衰

宋朝科制以二

月十二日會試鎖院見郎瑛七修類藁又考紹興十二年同年錄自狀元王佐以下三百三十人朱子登第名在五月九十後人重刊其書改題曰晦菴先生同年錄以是錄因先生存也

閉門抱往籍寤寐通詠各出門交同人師友藉輔台歲

年孰滿百條若飆輪馳俯察江海流仰觀象緯垂我生

藐中處踽踽將安之不登秦華巔焉知塵壤卑居處異  
鄉縣歡樂方在茲願言愛景光勉策 昌明時

題陶然亭壁

燕地鶯花少荒亭不見春到來二月半重憶舊遊人

草延殘碣饑鳥繞野塵吾生一俯仰華屋問前因

此亭

於江郎中藻故又名江亭吾邑中先達也今其後嗣寥落不能自存登斯亭爲之慨然

送人

高林月未落颯沓雨風涼向曉不成寐殘燈方在堂浮  
雲辭薊北春草滿衡陽卻望青天鴈遙遙別緒長

敦夙好齋詩初編

卷二

八

湯海秋移居賦簡

仕宦本代農家室茲焉歸謀生亦云勞何異巢林枝君  
久列朝籍殘編恆自隨萬古足俯仰一身靡定棲自君  
別此廬春秋條已移眷言返厥舊咫尺殷餘思浮名等  
夢幻榮悴莫卜楫但保固窮節他人焉得知

海秋移居  
蓋街南舊

宅也

題孔星廬

憲階

繡山

憲彝

淮陰話雨圖三絕句

鴻鴈萬行暎江天孤客心扁舟何處泊風雨古淮陰  
一飯千金報空傷國士才東流去不盡萬古有荒臺

蕭瑟夜窗聲依依兄弟情天涯一回首無夢事長征

荅丁儉卿晏二首

古訓久茫昧炫奇競雷同所守匪大義記問徒爲工  
予逮儒哲制行爽厥終如何六經語釀爲攻訐風爲學  
無二源漢宋統其宗不有濂洛興斯世長夢夢星月代  
隱見皦日恆蒼穹元精誰與窺糟粕紛囑囑繹彼輪扁  
言陋哉齊桓公

總角事我祖雜誦書與詩我祖昔有訓篤志爲始基根

柢既厚沃華葉成茂蕤獨學嗟難成茲事賴輔台當恐

敦夙好齋詩初編

卷二

九

志不立將隨末流卑浮名足動眾捫心無乃欺不聞君子  
子言焉知昨日非晨夕警座右直諒今所稀

附原作三首

山陽丁晏儉卿

少小勤雜誦不敢希浮名久久自積累心力交相并

昔者古炫奇博枉用剽元精碎義日貧屑大道多榛荆

古學有直路勿爲旁徑行六藝首詩禮循序挈羣經

我愛李翰序

通典儒學垂典型

大英通典於藝工文

生平愛學人一見卽傾倒不解媚嫉儔褊心徒自小

矧君方盛年家學令譽早區區一得愚忠告貽永好

詩文非炫能中厚光自表磅礪元氣充安用務深窈  
菽粟真味腴下與秕糠埽素絲慎勿緇白鶴非關噪

夫鑄金師二東

東萊東發  
兩先生

實事以爲寶

爲學如垣墉坯根後茨蓋領顛苟堅完漂雨安能壞  
程功無捷途小慧適深害鼯鼠無一能技多古所戒  
專精乃有成夸詡終必敗何況沿末流不肖自珍愛  
人風正壇坫爭問學門戶隘心術亦已歧斯道誰與賴  
願君無近名篤實得心泰邪許相與呼孟晉期勿懈

送丁儉卿歸山陽

敦夙好齋詩初編

卷二

十

交君未爲早別君一何速恨非影與形不得常相逐執  
手望浮雲須臾變原陸強言會有時爲歡恐不足悲風  
入我耳憂思亂心曲願瞻淮水長明月照君屋歸兮抱  
遺經聊以樂吾獨

漢陽館夜送人

聚首未云久長歌思故鄉寒風悽短燭纖月挂虛堂歸  
去沌江渡泊舟芳草長天涯一回首離緒總茫茫

送溫伊初歸長樂

海風嘯浮雲四野彌浩浩故人忽棄余將適萬里道君

家在何許茫茫阻嶺表南北兩契闊不得展厥抱疇昔  
千萬言今日始爲寶跼蹐復跼蹐欲語心如擣驪駒不  
可維仰空視飛鳥

送張亨甫歸邵武

秣馬又云別離心那可論浩歌入燕薊握手幾晨昏孤  
客憐歧路衰親正倚門風沙望不極忍淚送君轅

歸去草堂下江城五月時故人對屏障日日動相思

父母典則貽子孫

寄哈菊人

福納 胡東谷

兆春

望舒已再圓遊子亦云歸高高懸天闕照君牀與幃形  
迹阻兩地聚散爲歡悲萍蓬苟不遇爾我知爲誰片言  
結久要在遠兩不欺故山有樂事願采芩與芝歲時奉  
尊酒皓首娛春暉

夏日作二首

火雲布中天當午起炎風炎風簸下土積氣成蘊隆寢  
息不遑處苦畏親塵霏安居尙如此嗟彼四野農隴疇  
敦夙好齋詩初編

卷二

七

已愆期黍稷成飛蓬血淚不可止滴土無寸功秉鋤哽  
不語傷哉筋力窮

溝洫不可復旱澇恆偏頗就新乃遺舊利少害無涯願  
瞻東南邑曠土何其多河水甘且潔可以播嘉禾如何  
百年來甘與槁壤科尺寸皆后土人盡天乃和誰能建  
此議療我虫氓疴

夜懷潘四農丈二首

月落天宇黑眾星燦我堂仰視不成寐披衣獨旁皇有  
鳥東南飛雲中鳴鏘鏘思欲一從之路遠不得將別離

幾朝暮風波悠且長朝辭薊門道莫宿黃河旁登車望  
鄉邑寂寂夜未央行者思于野居者夢在牀

人生共逆旅何者爲別離咫尺不知樂在遠纏悲思高  
言在簡冊三復思容儀一室我親炙千春以爲期昨過  
君所廬轅駒止其蹄物性有如此能不軫我懷

夜懷湯海秋二首

織織上天月在我園東牆誰謂君室邇咫尺猶殊鄉斜  
景不終夜繁星燦縱橫河漢平如岸一葦不可杭瞻彼  
在林鳥振翮翱翔翔高高揚其音因風達君旁

敦夙好齋詩初編

卷二

三

登高望大野不辨山與河昨日同堂人各在天之涯默  
然悟霄霓盈縮無偏頗百川日趨海安得還西波生年  
孰滿百聚散能幾何浩浩夜氣中羣動爲萌芽銷鑠不  
知極誰與藏天和良辰美景從子以嘯歌

荅湯海秋四首

炎景盛夏節冰雪在我表有客同所好攜軫來相從逍  
遙高堂上四座生清風古氣隆不滅蟠于磊塊胸鬱鬱  
人間世浩浩三尺桐  
邃古無山川巨靈胡爲爾孰知鴻濛初天意其有俟浩

氣存我真俯仰有終始百年盡其常身外付塵滓端居  
悟義畫懷哉負芥子

崇臺匪一木飛禽接眾翼矧彼七尺軀孤陋自繩墨命  
車造所思轉轉不得息願爲玉在璞持君爲介石願爲  
葛藟絲託君爲松柏

噫氣鬱無朕大地載以鳴厥聲被草木各自宣其情斯  
文靡所託泛若波上萍夫子秉古義愛我忠且誠眷言  
譬幽鳥空谷聲嚶嚶

寄潘四農師四首

弁序

敦夙好齋詩初編

卷二

四

名澧與先生交凡十年矣作詩之旨多自先生得之念  
先生品行實足爲吾黨楷模戊戌夏孔宥函南歸因修  
書於函丈願執弟子禮焉旬宥函寄呈二程子書並詩  
爲贊

長安厭徵逐浩然返田廬勞逸異所尙抗念惟詩書朝  
暮不遑飽寂寂門無輿大義恐久湮振興將在吾訏謨  
何時建固窮共吾徒

青陽望君來朱夏送君歸下馬城西闔一步千徘徊門  
前楊柳花翩翩從風飛西山俯大道蒼翠無盛衰惟有

別離心東流去不回

言短意不盡念君淚滂沱車輪在我腹憂勞夫何如我  
書到君側淮水秋已波安得隨鴻鴈飛度關與河況我  
良友來一室嘯且歌

志士秉介操始終不磷緇方其抱經坐豈冀門外知敦  
篤在根本萌蘖無窮期鯁生居今日親炙相諏咨師道  
無貴賤子立念所歸

湯海秋過談賦贈六首

疇昔聞君言片義千迴縈默默不能語積想窮高冥攬  
敦風好齋詩初編

卷二

五

衣出復入不見戶與庭君來忽成悟執手寵若驚人生  
有離索憂患恆相撓願奮魯陽戈義和緩其征

義和不可緩彭顏等山邱志士貞所尚不計短與脩今  
人不恆處心與古人謀古人言猶在多爲吾儕憂所憂  
業不劬身世輕蜉蝣念之令人懼云何遺我羞

庭樹不辭響高風振婆娑丈夫在斯世焉得無悲歌悲  
歌年孰百百年復如何古人重恩義膠漆心靡他膠漆  
未足言君毅我其麻藝麻爲布帛藝穀爲嘉禾

壁上有寶劍繡蘚生青蒼置此久不問有客登我堂風

雨一拂拭勃然騰奇光徹宇不可制上爭星斗芒世無  
張茂先銷沈亦其常

古詩十九首作者果爲誰河梁怨離別何必蘇李詞曠  
代鑒其衷三復動嗟咨奮筆寫我愛遑冀他人知精神  
在天地人往風餘悲風雅旣綿邈真意其在斯

大道無端倪載之者斯文因文以相輔豈惟意氣論寤  
寐不可語衷曲誰爲陳同氣所感召其言無不真誦君  
金玉篇我懷古之人

六月十五日黃樹齋師招同人集飲江亭消夏卽

敦夙好齋詩初編

卷二

六

席二章

江亭屏城市零落棲荒烟避暑作此遊琴尊愴留連我  
公盛宏獎列座多英賢清談蔚古義何必管與絃夕陽  
在亂葦隔樹聞寒蟬彷彿秋風來延望心悵悵

傑構閱屢世抗首思江郎華屋今無存賸此孤亭荒摩  
挲亭前碣萬事猶朝霜蕭蕭江漢波悲風悠且長落窻  
身後名但以文雅彰往型恨不逮飲酒發慨慷

建斯亭者爲江

郎中藻吾邑先達也

蔡季瞻吏部

紹洛

請假歸斬水賦贈

時送小沙師歸歸葬

期功去官位此義古所聞矧乃飛雲遙有親方倚門二十作令尹三十趨朝闈伯季旣通籍中子留事親休沐兩車返墳麓何温温寄身在旅舍念歸匪一辰回風裂勁羽中途離其羣孤鳴霄漢間哀胡可論景景不中天大川無回淪南陔有香草願言釋憂勤

與伯兄別後寄懷三首

時出守陝西

北風厲霜雪居人授寒衣出門日西望盤盤爲路歧昨日國門外置樽在河湄不敢復言語恐君淚如糜兩馬隨君去餘者從我歸行行入國門我馬鳴且悲軫彼芻敦夙好齋詩初編

卷二

七

豆情能不中腸摧

我父車在前我兄車在後不得侍父行緊我躊躇久蒼城莽逶迤夕陽在車首獨歸舊室廬踽踽誰與偶寄書雖云多相思何其厚吁嗟庭闈事尺素焉得剖願君健餐眠亦以保官守

仲秋月下弦想君渡潼關下弦逾朔日知君達長安長安何所事手板謁上官領郡在何地疑疑終南山南山逋逃藪疇昔以爲患展君所讀書遑復憂其難書短不盡意引領子心酸

夜感

霜風撼長林萬木鳴蕭蕭時至使之然發養徒爾勞入  
夜不可已被我屋上茅勞人怵寢寐起行首頻搔披衣  
視天宇歷歷星斗杓干將不燭天不如爲鉛刀噫氣役  
羣動百年猶暮朝非無堅貞質能不隨飄飄

送洪子齡

齡孫歸常州

桑乾幾千里滔滔幾時返白日不再晨征輪何偃蹇經  
年長安郊心邈室乃遠言笑積朝暮苦未展媿婉蒞蓬  
湖上廬曰歸歲聿晚寤寐遊軒羲世事一枯苑明發車

敦夙好齋詩初編

卷二

六

遙遙悵矣翠微巘

冬日感興二首

重陰盛寒陸凡卉誰能保斯理固有常榮落無晚早池  
流沍爲冰霜降氣已兆哲士惜景光能不心如擣西山  
雲峨峨桑乾水浩浩義馭日已徂生人日已老

避惡如塗炭嫉邪如青蠅但秉貞介節焉知時俗憎蟻  
穴成江河寸壤爲邱陵一日苟得志百歲常兢兢苑枯  
請勿道冰雪填在膺鷓鴣自有巢何必慕大鵬

敦夙好齋詩初編卷二終

男恩頤校字

敦夙好齋詩初編卷三

己亥正月至庚子三月

漢陽葉名澧翰源著

城南集三

初春雪後邀客小酌

開歲值餘霽夕日耀廣除嘉朋不遐棄集我堂東隅索  
居屬多感終日寡所娛萬物各有匹不樂毋乃愚几上  
列明燭鬻中烹枯魚綿綿夜未央陶陶情相於暫此友  
生愜惜未伯氏俱停觴忽不語鴻鴈鳴天衢

讀養浩齋詩

并序

敦夙好齋詩初編

卷三

一

於徐工部

啓山

處得貴池桂君超萬所著詩讀紡車行

及太夫人建坊諸作願見其人焉工部曰此循吏也

相去未千里不得交其人手持一編詩藹然情相親春  
華有榮落不彫惟本根溝澮有盈涸何派非昆侖生人  
百歲間藐焉獲此身念彼高厚德至樂惟天倫家庭日  
陶淑語言能不真以茲定訐謨詩教所以尊醴泉涌地  
上羣飲忘其醕撫字何足勞永懷鞠育恩

聞張亨父自楚歸閩

聞說七閩客西樓曾賦詩大江莽風雪孤艇竟何之易

灑途窮淚難爲天問詞燕山無夢到何以慰相思

花朝夜坐憶孔宥函二首

忽憶孔平仲迢遙淮水湄相思今夜月重和去年詩杯  
酒成陳迹江鴻慰遠思名山有事業千古復何疑

淮左潘夫子君歸昨過存斯人留宇宙吾道有崑崙鬢  
髮今餘幾孤絃孰與論天涯數知已何日共青樽

讀浮邱閣詩柬湯海秋並寄潘先生及張孔二君  
二首

憑几欲思卧得君詩朗吟畢生無嗜好文字託幽深但  
敦夙好齋詩初編

卷三

二

得青樽共從教白髮侵離騷二十五我自樂南音

潘孔阻淮甸張郎復海陬嗟予中夜夢每與數君遊離  
索詩情苦丹鉛樂事求因風感幽獨相望屢搔頭

題明人詩社圖卷

并序 番禺黃荅  
石刑部玉階所藏

此卷凡二圖卷首有陳子文太守奕禧題識云得於安  
邑舊家前題某園詩社圖惜園名不存無可考辨癸酉  
十月裝成書姓名於卷首凡廿四人失其二仍舊注也

第一謝君廷循第二泰和陳公循第三安成李公時勉  
第四吉水周公述第五泰和王公直第六廬陵楊公士

奇第七建安揚公榮第八金谿王公英第九

名第十文

江錢公禮第十一鄆城呂公鍾第十二靈寶許公進第

十三陽曲周公經第十四周公曾第十五周公孟十六

睢州李公孟陽第十七臨淮顧公佐第十八

名第十九

長洲吳公寬第二十祥符王公鑑第二十一烏程關公

瑾第二十二舒城秦公名悅第二十三呂君紀第二十

四呂君文英吾友黃君得此重爲題曰明人詩社圖

幾社雄江左南園肇粵東百年茲卷在當日浩歌同休

沐宜琴酒林廬繞竹桐燕臺春色盡空憶昔賢風

敦夙好齋詩初編

卷三

三

萬柳堂二首

并序

萬柳堂在廣渠門內東南隅益都馮相國溥別業也一

名亦園後歸石侍郎文柱捨僧爲拈花寺康熙朝開博

學鴻詞科待詔者時文譙於此相國實爲之倡相國致

仕歸諸名流於此餞行其爲詩歌甚富厥後漸就荒圯

嘉慶辛未泰州朱野雲布衣

鶴年

募資新之未三十載

又將鞠爲茂草矣

生存華屋處零落歸山邱念彼先民言但爲來者憂遙

遙國東門有寺清且幽相公遂初返送者盈道周捨宅

更何年興廢猶轉轉覽物自多感望古嗟何由

鐘磬闕勝地風雅徵舊聞佛力不可保金碧非其真狐

兔穴爲鄰楊柳斯爲薪今墓續古墓千載同灰塵鴉啼

枯樹枝春光愁殺人日落牛羊來漠漠蒼烟昏

### 再過萬柳堂三首

驟雨新荷宴客辰名花宜笑復宜顰如何尺五城南路

一例東風冷暮塵

元廉野雲右丞希憲宴趙松雪盧疏齋兩學士于萬柳堂命家姬劉名解

語花者歌驟雨打新荷曲松雪喜而賦詩爲一時佳話

據明劉氏侗景物略廉右丞萬柳堂趙參謀苑瓜亭栗院史玩芳亭在草橋豐臺間又吳巖遊中頂詩云已見

田田好荷葉風流憶殺趙王孫湯侍郎右曾自黃村歸

### 敦風好齋詩初編

### 卷三

四

過草橋詩云右安門外舊池亭別墅參謀堂右丞是明

人及國初詣公皆知右安門外有萬柳堂也馮相國

偶襲其名遂附和爲右丞舊址誤矣

詞人觴咏暮春花嶼蓮塘蹟尙傳讀到迦陵修禊序

風流何似永和年

陳迦陵有萬柳堂修禊序

野鶴飄飄去不回亦園楊柳更誰栽攜尊重過山人宅

高閣春深闕綠苔

有感朱野雲丈也丈昔年補種柳樹於枯花寺畫亦園訪柳圖徧徵題咏

所自居曰涵秋閣

### 寄郭羽可翁

青原在江上嵐翠自春冬獨往成高隱誅茅第幾峰當

風寫修竹聽瀑倚孤筇我夢尋君去雲深正曉鐘

望伯兄書

時在陝西方奉兵備鴈平之

命

與君已是經年別濁酒青燈夢未闌古塞風高新使節  
春郊花落舊吟壇弟兄中歲睽離易官職崇時報稱難  
南望夏雲鴻鴈少不知何日發長安

題畫

分明寫出漢陽山翼際秋高蒼翠間何日結茅山下路  
卧聽飛瀑到柴關

寄友

敦夙好齋詩初編

卷三

四

田廬莽寥落此去更何依孤艇在天地放遊無是非笑  
辭百里宰歸弄七粒微自有江頭月照君上翠微

送黃半溪州牧

定宜

還欽州任

燕臺六月槐花黃與君酣歌大道旁叩門話別不相覓  
鷄既鳴矣趨歸裝歸裝南指欽州道伏波銅柱蠻雲表  
龍門夜半潮聲高橫山秋盡梅花早聞君熟精韓子文  
隨身卷軸何紛綸它年儻過潮陽郡爲我荒祠薦白蘋

君補注韓文公集將成書

贈秦澹如

繡業

君住錫山下梁谿門外流高窗瞰飛翠孤艇愛尋秋京  
國重相訪詩篇話昔游草堂風雨夕翻羨故人留昨年史梅

叔赴閩舟過梁谿曾至君家

### 懷溫伊初

昨宵夢乘月與子上羅浮五百四峰裏蒼茫嵐氣秋我  
將攜玉笛吹徹碧雲頭短調不成和相思怨阻脩

陳頌南

慶鏞

黃蓉石

玉階

兩君招飲香山別墅

長夏困溽暑浹旬髮未簪故人飲我酒因之江湖心名

園城南隅遠對西山岑入門若蕭寺但少鐘磬音數松

敦夙好齋詩初編

卷三

六

帶橫流清輝時出林蟬聲傍林杪始知坐處深昔賢慨

不作

舊爲顧南雅通政菴居宅

嘉會方在今四野望膏雨東郊莽層

陰更約二三子風軒橫夜琴

### 黃蓉石過談

下馬雨初霽入門槐色深蟬聲催向夕暑氣澹疏林養  
拙詩篇在忘憂濁酒斟翠微橫咫尺振策許同尋

夜坐東陳雲伯丈

文述

高林宵氣清殘露時復滴西風何時來蟋蟀鳴我壁卻  
憶晚學翁孤燈坐禪寂

元符硯歌爲黃蓉石作

并序

黃君蓉石於戊戌季冬招集同人於元符硯齋爲坡公  
作生日以此硯拓本見示屬題遲久未報今年夏社中  
適以此題同詠因爲歌之硯製於元符三年側有坡公  
銘上有御寶考是年坡公正在僭耳其進奉內廷者蓋  
後人事非公自獻也

黃君昨治真一酒元符硯齋爲公壽梅花入夜香滿堂  
手持一硯如瓊玖此硯製自元符歲公方銜命投瘴癘  
海外文章老更成千古昌黎同一涕黃河幾改東北流

敦風好齋詩初編

卷三

七

孤臣懸望珠崖陬虞翻骨相終遭謗賈讓三策不見收

見公是年人日聞黃河已復北流詩

片石應在鬱林得隨公飄泊之藤州

藤州江上月滿天扁舟夜下蒼梧灘想公吟嘯於其間  
坐聽江水聲潺潺琴師去矣不復還洞天蒼石蛟龍蟠  
公是年有藤州江上夜起對月贈邵道士彥肅詩道士還都嶠公又作詩送之  
海可憐鸚眼依然在當日何人進御廷篆文屈曲騰光  
彩嗚呼硯兮硯兮空雕鐫惜哉不遇女中堯舜年

高閣

高閣晚來雨不知殘暑收疏桐當戶牖蟋蟀變清秋獨

夜風聲靜深林露氣浮寒門數行鴈幾日過幽州

吾廬

吾廬正秋霽野意上簷楹歸鳥雨中急斜陽峰外晴繞  
籬生暝色多竹起寒聲欲續陶公句問居願未成

題觀音院東園和潘星齋

曾瑩

西山招故人空翠似殘春復訪遠公去逍遙林下塵秋

光渺無際鳥語靜含真擬借長吟地聊爲隴畝民

用陶

詩長吟閉柴門  
聊爲隴畝民

黃蓉石餉羅浮雲霧茶作歌報之

敦夙好齋詩初編

卷三

八

君家五羊城卻愛羅浮峰羅浮之峰四百三十二但見

天邊朵朵青芙蓉清明二月東風早山頭時有雲霧繞

仙兮騎蝶翔洞天笑呼龍子種瑤草清溪口白水門胡

生曾遇黃仙人恨不招我同醉松醪春

嘉慶戊午季冬  
杭州胡紹甯遊

飛雲絕頂歸途經清坑口遇黃野人  
草笠青衫來相問答見浮山小志

常把長鑱白木柄

自署羲皇以上民

夜柬黃蓉石

寂寞風兼雨伊人思若何相思深巷阻獨夜得詩多密

葉滴涼露殘星帶曙河草堂秋色好期子抱琴過

雨後訪吳紅生舍人

葆晉

看西山

高閣對蒼翠雨餘秋滿天鐘聲自鄰寺野色接階前綠

酒故人共青琴古調傳羨君休沐暇於此息塵緣

是日過觀音院東園與蓮衣上人小坐

蓮衣吾鄉人也

經旬不入寺雨後款柴關野水多秋色蟬聲在樹間隔

林山翠落當午梵鐘閒憶否江鄉路烟波有釣灣

漢陽舊有

烟波亭在烟波灣上

寄王亮生

仲鑑

鴈聲嘹唳過漁陽極目江天別緒長聞說洞庭秋色好

敦風好齋詩初編

卷三

九

幾家橘柚染新霜

秋夜懷潘四農師

秋風起遙夜離思鬱以長蟋蟀應涼序皎月升華堂悠

悠淮之水嗟我不得杭念君伏衡茅幽懷誰與彰窮園

五十載無乃天所將陶然一室內陵轍義與黃如何入

我夢顏色失厥常晝讀先生書夜侍先生旁一心結萬

緒在夢焉得詳間關二千里羨彼鴻鴈翔君其保體素

以爲吾道昌

題王文簡公載書圖五首

康熙辛巳公假歸遷葬載書以行門人朱載震

屬禹之冊  
作圖送行

未得林泉賦遂初松楸重念舊山廬歸喪西去渾河路  
秋色蕭條薄笨車

池北搜羅富異編落成書庫是何年更勞紅豆齋中容

握管殷勤作鄭箋

惠定字作精華錄訓纂  
王氏書目凡一百三種

飛閣峻嶒倚古松買書談藝自從容風流諸老消磨盡  
誰聽慈仁寺裏鐘

白首飄零朱十存江湖風味向誰論金風亭畔他年去  
呼起吟魂薦一尊

敦夙好齋詩初編

卷三

十

耕烟筆意亦蕭疏曾見山莊舊畫圖何似濟南秋色好

鵲華峰下大明湖

王石谷所作漁洋山莊圖今藏新城陳氏

雨夜憶東園

東園寂寞地寒蛙自相語定有尋秋人天明一叩戶坐  
聽蒼松聲前林夜來雨

題李氏別業

別業自疏曠入門蒼翠浮西山新霽後繞屋鳥聲秋看  
竹孤亭暮聞鐘隔寺幽甯知朝市隱宛在楚江頭

長椿寺明孝純劉太后畫象

法駕迎來歲月遐，思陵舊淚已如麻。青山寂寞迷荒隴，玉貌殷勤問外家。宮闕夢猶悲鶴馭，滄桑劫已懣龍華。九蓮更有真容在，八里莊前落日斜。  
國朝諸老賦詩以此爲九蓮菩薩象，誤矣。悟門祭酒法式善陶廬雜錄辨之甚詳。九蓮象今在阜成門外八里莊慈壽寺。

### 九日獨坐有感

故人將遠別，今日罷登高。暮色自蕭槭，秋心多鬱陶。尊

空彭澤酒，袖有呂虔刀。明日關河路，憐予夢寐勞。  
子翁與蔭

石約重陽日復爲詩社于東園竟未果別緒紛如予亦罷登高之興矣

### 別黃蓉石後寄懷

敦夙好齋詩初編

卷三

七

晤言不知樂，別後更如何。揮淚辭京國，揚帆下潞河。所期在肝鬲，莫卽賦槃阿。到日梅花好，相思入夢多。

### 得黃蓉石津門書

故人回首經旬別，忽得津門書數行。七十二沽楊柳外，

霜風無際鴈聲涼。

### 小除夕得黃蓉石杭州書

江路歲云晏，孤舟奈子何。北來鴻鴈少，南去鷓鴣多。庾嶺見新柳，燕關夢玉珂。到家將母樂，人事莫蹉跎。

久不得張亨父消息

西風吹漢水有客泛輕航南望江天闊淒其雨雪涼尺  
書久不至覓食更何鄉休上松寥閣千秋涕淚長

題姚棣伯變畫梅

虬枝有本性豈與松柏殊陽春首秉德獨立含芬敷託  
根空山中歲月忘已徂我願將此樹植之繞庭隅披衣  
坐其下靜想澗悶初冰霜滿天地歲寒心不渝

青陽篇贈內

青陽布和德樹木繁且妍有鳥來中庭將雛巢其間啾  
啾朝與暮繞林飛且還林月照我室瘦妻室中歎從君  
敦夙好齋詩初編

卷三

七

與姚梅伯

三十年華歎倦遊相逢聊復醉高樓眼中賸得殘春景  
疏柳飛花滿御溝

題姚梅伯畫梅

敦夙好齋詩初編卷三終

340

